

T 3100/2832.83

CHINESE LIBRARY OF
HARVARD YENCHING INSTITUTE
AT HARVARD UNIVERSITY
MAY 26 1939

潁州府志缺頁表

卷七 第十二頁

卷八 第三百九頁

卷九 第二百十九頁

潁州府志序



自古名賢為治必先考

閱圖籍究其山川風土

田賦井疆生齒登耗習

俗澆淳以及數百年來

理亂治忽之故然後得

以行其轉移風俗之志
舉而措之無難此郡國
乘志所以繼周官外史
而作不可一日廢也惟
是修志難而于變法更
制之後修殘缺之志爲

尤難潁州故屬鳳陽雍
正元年改直隸州旋升
爲郡分撥屬邑犬牙相
錯控馭統率舉非其舊
數十年人物事蹟大半
湮沒無可考據州故有

志限于偏隅僅載明代
以前軼事又蠹蝕殘缺
不見全書如是而議纂
修摺撫薈萃信手成編
非失之誣卽失之漏其
何以信今而傳後哉山

左諸城王君來守是邦
念潁亦東南都會不可
無志然久缺而今補葺
功宜加倍於是殫心萃
力旁稽遠考搜羅旣富
訂證特詳親自筆削釐

爲十卷書成而王君疾
作不復能視事矣其將
歸也以書就正于余述
其原委請爲之序余觀
其稽考水利農田民生
食貨而知其能興百世

之利觀其叙次人物究
心理學而知其能振風
俗之類至於
國家典故史傳舊聞下及
民間幽隱無不網羅包
舉實而不誣詳而不漏

洵乎一郡之良史其猶
是周官之遺意乎余惟
制作之心非僅爲夸詞
章矜博雅供輜軒之採
備太史之陳也亦欲藉
是以爲移易風俗之助

然民雜而愚安能家喻
而戶曉是在官斯土者

聖天
鑒於成憲審時度務以
爲出治之本則張弛緩
急操縱從心政教所施
實能導迎善氣而躋

郡於返樸還淳之盛矣
潁雖一隅撫循旣久上
下和樂民物恬熙益昭
聖天子時雍風動之化豈不
休哉余嘉是編之有關
乎政治也於是書

乾隆十七年十一月朔日

總督倉場戶部右侍郎

協辦江南河務加從一

品都察院右副都御史

巡撫安徽等處地方提

督軍務加三級紀錄十

五次儀封張師載序



叙

吳楚為接壤之區

予宅里江夏距潁

郡者郵畿凡八日

郡南北西三面接

豫東隸江南其間

命補

山高水清予數過
 之低徊不能去盱
 衡往昔如廬陵肩
 山以名卿出守是
 邦迄今俎豆弗衰
 蓋文章吏治萃於

一身俾後世神溯
 地與人皆不朽焉
 未易也壬申仲
 秋予先署潁事越
 五月奉
 命補授郡篆惴惴不

滕任莫得前事之
師而前太守王鳳
山先生本木天碩
望所歷輒加意文
教謂潁自政府浚
官七易而無棄志

故所轄廣狹分合
以暫錯禱無稽數
十年來人倫坊表
卓可稱道者大
半湮沒不傳官斯
土者烏能晏然也

先生得再守潁取
六屬舊志而參酌
之殫思研精正訛
釐認始地理終藝
文并以雜志足之
事克師古而蒐輯

多心得夫採擇舊
文以信今傳後太
史之職也周官外
史掌邦國之圖輿
凡以廣見聞興教
化厚風俗不失之

誣而已矣鳳山先生守是邦因革損益類考新政而茲志之成以因而無剗尤為盛舉予不敏未敢自信能步

後塵惟是以舊政

與也且卻事莫重於志願志之算信而非誣尤為可貴因追憶曩時遊歷

之景宛然在目
幸得披閱一覽
即以此書為前
事之師也
可是為序
乾隆十七年十二月
知潁州府事加三

級軍功紀錄
鄂緒胡格撰



潁州府志序

晉朱文公守南康

車晉詢舊志蓋志也

者疆土之饒瘠民物

之阜耗田賦之升降

學校之興廢風俗之
淳漓皆于是乎繫而
為守長之責豈得赦
焉二於刑政簿書
歸間避就功過已哉周

禮職方氏掌天下之
圖小史掌邦國之志
外史掌卯方之志土
誦訓又掌彞說以詔
王圖摠天下之全志

專郡國之掌沿革
今其揆勳一是故治
郡縣者必先考志明
其圖形詳典故而
後因革損益善政出

篇朱子所以首詢舊
志職是故百潁州古
潁川汝陰地舊隸鳳
陽
本朝定鼎于元百郡縣

麗國勝國制乃若大
 省州邑其幅員甚廣
 人民甚繁府資不能
 統轄者剔分之或改
 州為府或仍州而為

直隸潁故府屬雍正
 初改直隸州十三率
 始既為府而分一州
 五縣屬焉蓋十有八
 率于茲矣守潁者更

代已數輩設育賢者
 思古君子之風行百
 車詢志之事亦索之
 蛛絲燐尾之餘僅得
 舊所為州志者則與

彊土民物田賦季校
 風俗已盡不復與
 古合夫將何所求據
 而措施焉王君猛茲
 土於是慨然肯作杷

度畛域網羅文獻著
新志十卷輯殘補缺
厥功懋矣余嘗讀史
趙宋言蔡齊知頴州
迨去官吏民往指

吳所歷曰此蔡使君
之迹也又晏殊知頴
州植柳于湖之中央
士庶心即建亭其上
顏曰雙柳今王君之

在穎賓無吞為良二
子石吾起甘棠之愛
當嗣美子思同赫而
且撰成俞志俾後
覽者肅所孝據既摺

旆威宜余忝旬宣亦
得藉以察守翫歧令
莫之躡否異於治衛豈
曰小補抑願撫茲土
者明圖彤詳典故齊

乘岳朱子以急先務

芝峇


乾隆十七年歲在元熒

君難九月既望安徽

布政使司兼管江寧

織造督理龍江鹵新

關稅務長白高晉題



潁州府志序


潁水充豫之交歷代建

置不一前明以州隸鳳

陽至

國朝雍正乙卯歲始以直

隸州改建為郡領州一



Faint bleed-through text from the reverse side of the page, including characters like '潁州府志' and '序'.

輶縣五而諸城 王鳳
山前輩以翰苑清班為
是邦師帥懷之者在黎
元畏之者在僚屬信之
者在大憲乃既政脩人
和百廢具舉因念王者

建邦立國既設之郡縣
必有志乘以備掌故穎
獨闢如慨然脩之獨是
穎之志與他志異以為
獨難也可回其難轉視
為姑緩也可蓋諸郡皆

有成志脩之者唯是補
其缺正其訛而已願獨
以州改郡旣廓其州之
舊且割邑之他屬者以
屬之一時規模悉向所
未有非脩之實創之也

創之所以難也而曰循
者夷然安之安之無復
覲而責也且嗑然笑之
是不能急其所急而反
云毋急其所不急俾於
謀始因為弔靡亦恒情

乎哉以視乎公則差數
觀矣公之守此已有先
乎公者至公而七視事
後稽攷文牒即以志乘
未脩為念地謀所以從
事會以治行卓移守金

陵故未逮而自公調任
後願之民思之如赤子
之思父母公亦心懷夫
願曰我思用趙人既復
還治願從民望也嗣是
願民戴公日益甚公視

潁政日益勤凡事之有
關於人心風俗者措之
皆若網在綱遂舉前此
所欲脩未及脩獨難脩
之郡志竟於是乎告成
其垂成也予適以輶軒

望天
校士戾止斯土特問序
於予予向得步公後塵
今且共事一隅而公守
潁以再來予亦以報滿
畱任志固待公而脩亦
若待予而序事有巧合

洵非偶然顧予職司文
 衡士習所董民風繫焉
 惟願一州五縣之士沐
 浴聖天子之教澤沾濡賢太守
 之栽培相與倡率斯民

以進於古俾數百年後
 踵而脩者哀輯人物博
 採風謠謂有過於前無
 弗及也斯則予之厚望
 也夫

乾隆歲次壬申季夏安徽

督學使者長白雙慶撰




願州府志序
古者九邱志一之為書由
來舊矣願學者載籍極博
率於志鮮留意不知天時
地利民物風俗與夫山川
城郭之變遷經制賦役之
損益悉備紀於志官斯土

者稽覽古今因地制宜治
術所關良匪淺鮮賴於雍
正三年改直隸州領縣二
十三年始升為府轄一州
五縣前此千百年來統隸
分合沿革不一今通計疆
域廣狹政事繁簡規畫殆
已出盡善歟潁屬之西
及南皆接連豫壤而沙渦
潁雉淝茨茨宋塘諸河為
通身脈絡疏貫而匯於淮
諸河設有壅塞靈潦異漲
時復為患治溝洫而謀蓄
洩山水利之宜急講也民

雖良頑不一然古所稱民
淳訟簡者時會亦遞遷此
風俗之宜急正者也二者
尤有關於治術可不縷載
於志以示來茲乎太守諸
城王公詞垣先達擅良史
才兩任此邦澤洽民懷念

穎既改府而志仍闕略非
所以重文獻也於是取各
屬之志編輯纂訂彙為若
干卷既成復問序於余
非能文者姑就志之有關於
於治術而略言之云爾是
為序

乾隆十七年歲次壬申七月分巡鳳廬潁六泗濠和觀察使閩中許松侷撰序



潁州府志叙

自古帝王剖符而治莫不以觀天文以辨災祥察地理以定險易稽人事以徵教化而世道之升降汚隆繫焉此志之所由作也而潁有難為者如阜潁亳太

野屬豫而蒙則屬徐霍則
屬揚於夏隸豫州而禹會
塗山相去三百餘里志無
所攷於商鄰亳都而湯正
四方相去二百餘里久無
所攷迨至姬周胡以國列
爵以子稱此潁地有封號

一之始也後滅於楚旋為
一地秦隸潁川郡漢改汝南
郡曹魏改汝陰郡歷晉及
南北朝隋唐皆曰汝五代
以州而縣治汝陰北宋以
縣而府陞順昌元復以州
隸汝寧明又以州隸鳳陽

其統轄之廣狹分合之久
暨皆錯雜無稽則凡因時
勢為變易隨風會為遷流
者已令人有茫乎其古之
感又重以明末寇氛蹂躪
焚虜之殘指不勝屈獻固
文之無徵其或得之

傳聞收之灰燼者僅千伯
之什一耳即舊志之州事
而他不及載屬志言邑事
而類不相關是諸郡之志
主於因類郡之志主於割
此類志之所以難也
國初仍明之舊雍正三年改

直隸州轄潁霍兩縣十三
年天改為府轄一州五縣
幅幘遠濶廣袤幾二千里
其間陰陽寒燠淮南與淮
北异劉柔燥濕旱田與水
田殊山則長別齊靈而餘
悉邱阜水則淮渦肥潁而

聖天子巡狩時邁維茲潁郡願
衆皆支流人才備文武而
不事曲謹民性蠢剛動而
不安卑靡昔人所謂風土
蕪乎南北者也方今
無圖志以備採訪之守去
者之責也彼府以來十有

八載官經七易豈盡視為
緩圖毋亦憚創造之難而
姑徐以俟之乎余蒙
聖恩兩守潁郡不敢再延爰取
六屬之新簡彙編悉心參
攷補其缺畧正其訛謬釐
為十卷彙成郡志然隔於
省

時代限於是閏多未敢自
僅仍以俟後之君子云爾

乾隆十七年歲次壬申仲春
穀旦

賜進士出身再知潁州府事瑯
琊王敏福撰



山川城郭之險阻井疆田賦之纖悉
開卷瞭然得以因時制宜典至重也
我朝定鼎以來百有餘年深仁厚澤泱
泱淪肌監於茂憲綱舉目張喬哉皇
哉軼前古而過之矣寧有闕焉未備

者待俟補乎而潁州一郡尚無志乘
者何也粵稽潁在春秋時為胡子國
戰國屬楚秦屬潁州郡漢稱汝南自
陳漢而晉魏而隋唐或曰汝陰或曰南
郡或曰壽春所隸不一命名各殊唐
宋五代皆稱潁州元以潁州屬河南

汝寧府至明太祖始改屬鳳陽隸以
潁上太和二縣我

朝因之其所由來舊矣雍正二年

世宗憲皇帝御宇覽萬國之輿圖察封疆之

扼要升潁州為直隸州改太和屬亳

以壽州之霍邱屬潁十三年復升潁

州為府領州一縣五而河南之陳州

六并升焉故潁與陳皆無府志乾隆

六年予為陳州守政理稍洽因延名

宿捐俸興脩府志乃備十六年謬膺

安徽臬司之擢潁故隸安徽者也適

太守王君以公事來謁言及修志

謂潁為水國而水道未楚難於著筆
予笑曰昔年所守之陳即今日之潁
也其府治之新設同其為水國同其
修志之無所藍本亦靡不同而陳居
潁之上游陳固以潁為壑者也潁之
流雖衆大都淮汝潁實為魁首淮由

圃始而入汝徑沈邱而過潁口即沙
河六繞沈北門而來其他若泚若茨
若渦若滅若柳若溲未堪指屈大約
入汝者十之三入潁者十之七而統
淮於淮耳夫事得其序則楚者可得
而理矣物歸其根則末者可得而志

矣予口能言其然恐未身歷者究難
察其所以然也因以舊所修陳州志
遺之旋接來札言水道之誤者悉已
改正共若干卷并請叙於予予不禁
因之有感矣念自己卯守汝寧辛酉
移陳州丁卯易南陽前後十有餘載

其所身歷廣袤何啻二千餘里每車
輒所至訪故老問遺民講求水利默
而識之簡端以待參考間遇形勝如
嵩高天息不憚跋涉登臨周視注復
低回雖曰勝地留人乎亦性使然也
故陳志之水道源流自幸竊有一得

可為知已者道賴州南接光固北抵
歸德東距鳳六西南踣光息星分房
宿山鎮金牛土泉甘美入烟輻輳詎
非東吳一大都會哉府志之脩誠不
容緩也今觀其書分門別類按緒就
班其山川井路城郭溝洫罔弗具也

其學校人文忠孝黃義罔弗覈也其
奢儉貞淫流風餘韻罔弗載也賦役
各歸款項兵刑列有成規語簡而談
意質而理緘不克上追班馬而以媲
周官外史之紀何多讓焉且夫守土
者將以興起教化移易風俗為已任

也如第循分為無忝則勸懲不加善
良等之萬裨愚不肖安乎末俗何以
協
興朝之雅化風動而時雍乎修志固六
分內事而激昂寓焉風化行焉不謂
於治道無小補也因嘉其事而樂為

之書

乾隆十七年歲次壬申桂月之望江
南安徽等處提刑按察使司按察使
加一級紀錄七次楚鄂崔應階撰并

書



凡例

一 瀕自雍正十三年始改爲府前此瀕州領瀕
太和故呂志兼及二縣他邑未載餘志皆專記
一 州耳疆域由分而合則脈絡宜清體裁變異
爲同則規制宜一前無可因而欲今有可信後
有可傳非易事也茲備極審擇立爲規條姑舉
其畧以示例焉

一 司馬遷作史記有書無志班固作十志遂爲志
所由始今倣其意而變通之大綱有十首以與
地則地理志也有地斯營造因之志建置亦與

地中事也特列學校重文治也班氏於食貨志分上下兩卷此緝爲一卷蓋記天下之事不得不繁記一郡之事無嫌於簡也官職則參用百官公卿表人物則參用古今人表班氏藝文有目無書今並載其文亦求詳之意也終以雜誌旣以當五行志而諸紀傳中有所未備者亦統之矣

一類自春秋以來諸屬之統隸不一沿革秩官選舉以時爲經以地爲緯繫之以表懼紛雜也餘悉用志其中採錄舊志則標以某志曰推廣舊

志則標以按舊志云斷以已意者或列於前或附於後

一類爲新設之郡其間土田之數建置之屬各邑已見者不復更訂至職官署廨郵驛一切糧餉支給之類有因裁衛而移置者有因改府而增設者俱詳加考核以明因革之義

一凡志先列山水所以定標準辨區域也潁惟霍蒙二邑有山餘皆以水爲界而變遷殊多悉爲訂正淮汝潁沙淝渦一府之脈絡也考辨不厭其詳馬端臨云兗州可移而濟河之兗州不可

移梁州可移而華陽黑水之梁州不可移亦此
意云爾

一我

朝深仁厚澤大蠲大賑從古未有其銀米人口數目
逐一考証以誌衢歌巷舞之思

一官由地設召南之詠甘棠鄭風之美緇衣皆就
其聞見所親者言之耳若人本足傳而其事非
賴所有如呂晏歐蘇在朝奏疏及他處政蹟之
類無關於賴故皆不錄

一人物之見於史冊者以正史爲據各就其鄉里
考其世系稍涉假借概不敢入若史無可稽而
生平事蹟確有可指一善必登蓋志以紀美亦
善善長之義也倘掇拾浮詞襲取美譽正所謂
其文不直其事不核又何取焉

一志載藝文所以備故實供考訂也廣徵博採足
當風俗之書若夫尋常贈答以至壽文行狀墓
表概入之志則又爲文集家乘矣更有瑣細猥
雜之談不惟非體亦恐紙不勝書因悉刪除

一探及幽微作志之本而諸邑志乘惟亳州修於
乾隆三年就中缺畧舛誤仍多其他處遠者百

年近者亦不下數十年互相考証無一完本極
意蒐羅而各屬每言文獻無徵茲凡有可考者
悉為登載其考証所不及葺而修之尚有俟於
來者

泗州府志目錄

卷之凡例

圖

卷之水道考

卷之三

卷之輿地志

卷之三

卷之建置志

卷之三

卷之食貨志

沿革

疆域

星野

城池

公署

壇壝

祠廟

寺觀

丁口

田賦

積貯

鹽法

卷之四

學校志

學宮 學租

書籍 書院

祀典

弟子員額

卷之五

秩官表

封爵 衛制

職官 營制

卷之六

名宦志

傳

卷之七

選舉表

徵辟 雜目

進士 武科

舉人 武職

貢士 地封

應例 恩廕

卷之八

人物志

傳 流寓

方伎 列女

仙釋

卷之九

藝文志

詩 文

卷之十


雜志

祥異 辨誤

兵革 紀聞

遊覽

潁州府輿地志圖



哈佛大學漢和
圖書館珍藏印


潁州府志

潁州府六屬總圖

東至鳳陽府壽州界

東北至鳳陽府宿州界

東南至直隸六安州界



西北至河南壽德府康邑縣界

西南至河南直隸光州息縣界

西至河南陳州府項城縣界

潁州府志

卷之二 輿地志


圖

阜陽縣境圖

東至頓上縣界

東北至蒙城縣界

東南至霍邱縣界



北至亳州

澆河

穎州府
阜陽縣

小潤河

桃河

清河

南至河南直隸

太和縣界



西北至河南陳州府
沈邱項城二縣界

西南至河南直隸
隰光州息縣界

光州固始縣界

東北至鳳臺縣界


東南至鳳陽府壽州界

北至鳳

南至霍

界

界



西北至阜陽縣界


西至阜陽縣界

西南至霍邱縣界

東至鳳陽府壽州界

東北至鳳陽府壽州界

東南至直隸六安州界



北至

上縣界



西北至阜陽縣界

西南至河南固始縣界


亳州境圖

東至蒙城縣界

東北至河南歸德府永城縣界

東南至蒙城縣界

北至河南歸德府



南至

府商邱縣界



陽縣界


西北至河南歸德府鹿邑縣界

西南至太和縣界

東北至亳州界

東南至車揚縣界

北至亳



界

洛河
清泥
淺

黃谷河

唐河

八丈河

太和縣

沙河

柳河

湖河

陽縣界

西北至河南歸
德府鹿邑縣界

西南至河南陳
州府項城縣界

蒙城縣境圖

東至鳳陽府懷遠縣界

東北至鳳陽府宿州界

東南至鳳陽府壽州界

鳳陽至北

鳳陽至南

府宿州界

府壽州界

北肥河

河渦

河茨

齊山


靈山

蒙城

西北至鳳陽府宿州界

西至亳州界

西南至阜陽縣界



和纂姓氏

潁州府知府諸城王敏福凝箕氏纂輯

潁州府糧捕通判鳳臺呂轍天衢氏

阜陽縣知縣咸寧王鎮
署事通山徐永謨

潁上縣知縣德清許晉

霍邱縣知縣文安丁恕
署事即墨楊士鎰

亳州知州大興嚴文照

太和縣知縣鄒平成兆豫

蒙城縣知縣慈谿葉履巨
署事歷城崔雲會

候補教諭寶應舉人潘遇莘

採訪

編次

府學教授宜興路 觀

泰訂

阜陽縣訓導桃源田得試

阜陽縣舉人時 鰲

拔貢生甯 潤

拔貢生劉眉壽

貢 生劉文蔚

生 員甯喬年

生 員劉日藻

生 員時象先

生 員嚴韞曾

奉祀生汪 柱

宜興縣監生路士儀

校閱

府經歷正藍旗陳 安

阜陽縣典史餘姚沈日琇

督刻

汝水考

潁河之南爲潁州府西南百二十里汝水經朱
臯鎮入淮河按山南曰陽水南曰陰潁州在水
北而舊名汝陰鳳陽志直斷以古人命名爲失
考心竊疑之迨證之詩傳水經明史地理志及
輿地圖河南郡邑諸志乃知自西而南由朱臯
鎮入淮者汝寧之汝也此水在潁州之南自西
北而東南由潁上縣入淮者汝州之汝也此水
在潁州之北詩傳云汝水出汝州天息山逕蔡
潁入淮水經云汝水出梁縣勉鄉西天息山東

南經潁川郟縣明史地理志云郟城大澗水卽
故汝水以地圖合之汝水過郟縣至襄城其流
始大東流經郟城會沙河至周家口與潁合流
歷太和潁州至潁上之八里塚鎮入淮又考河
南郡邑志汝州之伊陽曰汝水經其前寶豐曰
汝水北滎郊縣曰帶汝會扈郟縣之東爲襄城
曰汝潁經於東北襄城之東爲陳州附郭之淮
寧縣曰汝潁交流又東爲淮寧之周家口自此
而下汝潁合流統名爲沙河由太和經潁州城
東北之三里灣則沙河卽汝河實在潁州之北
況今郡西猶有小汝河其明證也汝潁之名古
人詎可輕議哉至汝寧之汝則汝水之分支也
明史地理志云汝水經舞陽縣北入西平縣元
末壩斷其流而西平之水始別爲汝源逕汝寧
府西平之水又塞遂以遂平龍陂之水爲汝源
汝寧府志亦謂元季水勢泛溢爲害故自舞陽
截斷其流約水東注其患稍寧遂陞蔡州爲汝
寧府今汝寧之源止西平遂平諸山之水細流
會合經新蔡由朱阜鎮入淮非出天息山之汝
水矣秦少游汝水漲溢記云水經稱汝水至汝

南郡西北支左別出一支又屈而東轉南形如
垂瓠故號懸瓠城今汝水故道已亡惟存別支
水潦暴降則有暴溢之患亦其勢然也是汝水
宋時已失其故元時復遏其流今以別出之水
名之曰汝以合潁之汝混之曰沙又何怪汝陰
之名如聚訟也哉况漢時汝南郡三十七縣俱
在汝州之南其在北者則屬潁川若以汝寧之
汝論則三十七縣半在汝北不獨汝陰之名可
疑矣至通志畧云汝出魯陽縣大孟山漢書地
里志註高陵山汝水出焉按魯陽今之魯山沙
河古名泓水出魯山與汝水會故通志以汝爲
出魯陽也高陵山在今舞陽卽南支斷流處乃
知古之汝水北合於潁南分於舞陽今南流已
斷獨北流尚存而名實相戾稱謂轉訛不據圖
按地以辨之將益啓後世之疑矣

沙河卽潁河考

郡名潁潁其寢也西自項城來者曰潁西北自太和來者曰沙會於城東北之三里灣沙之深廣倍於潁潁清沙濁流數里乃一色東去百二十里爲潁上縣枕河之南岸又南去七十里至八里塚鎮入淮古名潁尾亦曰潁口河稱沙而縣與鎮皆以潁名可知沙河卽潁河矣潁水中源出登封縣少室山左源出山之南右源出西南之陽乾山水經注所謂三源奇發者也東過禹州則潁繞其北襄城則潁經其東許州則潁

環其右臨潁則潁縈其西由是而至陳州之淮
寧出周家口此未與沙合之潁河也沙水發源
魯陽縣之堯山古名涅水經鄆城縣與汝水合
爲大澗河至商水縣北孫家嘴同會於潁又東
經周家口蔡河北來注之蔡河卽汴水自朱仙
鎮而上經賈魯開浚故名賈魯河又名沙河會
溱洧之水同注於潁又名惠民河宋太祖詔發
陳許丁夫萬人濬蔡河入潁者此已與沙合之
潁河也自潁岐口又分爲二一支東南流逕南
頓入沈邱縣境至項城縣之趙家渡過乳香臺

經沈邱鎮至潁州城東北之三里灣一支東流
過新站逕故項城卽槐方店由沈邱縣北新安
集歷太和縣亦至潁州城東北之三里灣此潁
與沙合而又分分而又合之潁河也自此而下
百二十里至潁上縣又七十里至八里塚鎮入
淮隋諸葛穎蔡允恭應令詩云出潁至淮蘇東
坡論八丈溝不可開狀云淮水漲溢潁河下口
不得通陳后山紀事云萬壽之西潁水之上有
村號稅子步萬壽卽今太和稅子步仍舊名河
之上下雖有分合昔人均未嘗以沙稱也唐會

要云元和十一年置淮潁水運揚子等院米自
淮陰泝流至壽州入潁又泝流至潁州沈邱界
至於項城又泝流入潁河輸於鄆城是項城之
潁在當日實爲通津今潁岐口已涇惟太和
支舟楫往來人幾知有沙而不知有潁又安知
沙卽爲潁也哉考金元時河決太康明洪武三
十四年河決陽武沙河遂有小黃河之稱而項
城之潁亦爲黃流所奪三十年蔡河徙入陳州
永樂元年饋運自太和至潁岐口北輸於京宣
德五年項城之潁遂塞呼爲小河正統二年黃
流始絕成化中濬太和下流此盈彼縮互爲消
長固不得謂沙大而潁小也東魏高岳堰洧水
灌潁則潁河又可稱洧河水有分合不妨互稱
但汝會潁而不以汝名遂啓汝陰之疑沙合潁
而專以沙名將潁上潁尾潁口之義胥失之矣
故不可以不考

若不可不考

而與以... 漢書地理志所謂夏泚水也自河南鹿邑之孟
家橋入亳州境橋以上西北來者為練溝河直
北來者為清水河上流同出於渦河而統會於
孟家橋自橋以下始名泚東南經太和之泚河
口又東南經亳州之龍德寺阜陽之苗家集潁
上之金溝紆回曲折於潁郡之四邑而後至鳳
陽故潁水出中潁太潁下潁北潁各潁已矣

泚河考

泚河爾雅同出異歸曰肥後加水旁為泚其在

潁郡者二一北泚河在蒙城縣渦河之北宿州

龍山湖之水也東流過懷遠縣入淮一西泚河

漢書地理志所謂夏泚水也自河南鹿邑之孟

家橋入亳州境橋以上西北來者為練溝河直

北來者為清水河上流同出於渦河而統會於

孟家橋自橋以下始名泚東南經太和之泚河

口又東南經亳州之龍德寺阜陽之苗家集潁

上之金溝紆回曲折於潁郡之四邑而後至鳳

臺縣峽石口西入淮淝水濼繞處卽爲村墮居
人皆植柳積柴養魚方言謂之魚滬卽詩潛有
多魚之潛也水不能直流漸致淤塞雨潦輒泛
溢爲患乾隆十三年蒙 皇恩發帑疏濬

並將通於淝河之宋塘河通於宋塘
河之茨河及北淝河茨河一并深通卽以土積
兩岸築堤禦水沿河之水患始平又有東淝河
不在潁州境發源合肥縣之紫蓬山分水嶺西
北流二百里繞壽州城北西至八公山下入淮
舊說有疏東淝河由巢湖達江以分淮流者因

委人踏勘並按照水平河自瓦埠而上南至分
水嶺逐漸高一十四丈踰嶺而南水皆歸巢湖
予竊疑分水嶺不易開後請正於

前撫憲毘陵潘公公曰是也天下三大幹徐州
爲中幹盡結潼關之右分一支自豫省之南陽
江南之安慶廬鳳下至淮揚入海此中幹之支
龍而分水嶺其脊也南江北淮爲左右大界水
而淮更爲左脇隨龍之水江不能入淮淮又安
能入江以隨龍之水而欲駕龍脊而過此必無
之理且如各郡縣何予心誌其說附記之以釋

衆疑

渦河考

渦河爾雅曰渦爲洵郭景純註大水溢出別

小水也本作過省文爲渦義取旋流也源於豫

省通許縣南至太康鹿邑睢州之舊黃河繞柘

城而來會焉東流入亳州境又東南達蒙城過

懷遠入淮許氏說文以爲出葺蕩渠水經注陰

溝始亂蕩蕩終別於沙而過水出焉過水受沙

於扶溝縣漢志爲狼蕩南曰狼蕩北曰浚儀卽

汴河也今汴河不通渦河考元大德間黃河泛

溢自通許分流一支由陳州合潁一支入渦河

則通許而上必有流可通故引黃而南注也至
賈魯疏汴自朱仙鎮至周家口合於潁水渦河
與汴河遂各爲一支明正統十三年河決滎澤
又經陳留入渦口弘治二年命侍郎白昂導河
由渦入淮六年平江伯陳銳鑿孫家渡及賈魯
河至朱仙鎮經扶溝通許潁壽諸州邑合渦入
淮正德四年侍郎崔巖濬孫家渡引水達渦以
殺水勢八年侍郎趙璜疏亳州河渠崇禎十五
年河決入渦終明之世渦時爲黃所奪

國朝順治元年黃河復故道嗣後沿河堤防歲加修

築亳州蒙城之間黃流始絕而渦河遂爲安流
按豫省大河以南伊洛以東之水皆歸於淮而
滙於洪澤已患尾閘不暢若更益以黃流則籌
其不能洩當先籌其不能蓄也故詳誌之

東清河辨誤

舊有三川灌潁之說蓋以汝潁纏東北長淮襟西南下至八里塚會合中約二百餘里龍脉起伏盤紆此潁地一大形勝也而後人以爲三清灌潁誤矣楚開通商渠於城南五代時始改名清河是原無所謂河也則中清河不得謂之灌潁明矣後因中清之名東西亦名清河西清河不知開自何時南至八里松以上無河形洩段家坡窪地諸水由白龍溝以達於潁與西七里河西湖同爲龍脉左腋之水潑洄西北無闕城

隍之通與不通西清河不得謂之灌潁亦明矣
東清河由八里松過九里溝瀦覃家湖會東七
里溝入潁此爲龍脉右腋之水環繞東南去城
隍尚有數里東清河不得謂之灌潁又明矣乃
潁人泥於灌潁之說以爲中西清河皆入隍內
而東清河不得入隍遂有水火之議欲以城東
南路溝之水爲東清河從魁星樓下開挖引入
於隍以符三清灌潁之說此又誤中之誤者也
蓋龍脉自分水龍王廟北來至城東南隅伏而
復起聚結作之精神此處正宜培護以息其氣

若引右腋隨龍之水以駕乎其上是以卑凌尊
以賤妨貴矣此處龍脉損傷將如城郭何況溝
洫之水又不可以川名哉龍之起處東連義地
土人無知有數塚墓於龍首余急令遷去亦保
壽之意也或曰旣不使入隍竟聽其東流如去
客無情乎余曰此水總歸東清河由東七里溝
入潁在西爲左旋在東爲右旋兩相環抱正地
理有情處奈何任臆見之穿鑿附會視有情者
爲無情也總之潁郡以淮汝潁河爲外大界以
東西清河爲內大界而龍脉盤結其中此形易

集誠為政之首務也

沿革

潁州府所屬阜潁亳太蒙皆古豫州之域鳳陽志又云蒙係徐州其地皆在淮北霍獨在淮南為揚州夏商時見經傳者靈為臯陶後之蓼國亳為湯之南亳蒙為盤庚之北豕周分封列國春秋時可考者為胡國為沈國為州來國為蓼國為潁上邑為慎邑為雩婁邑為雞父邑為焦邑為夷邑為鹿上邑為蒙邑戰國時皆併於楚秦滅六國置郡縣汝陰新陽屬潁川郡譙縣城

父屬碭郡蓼國未置縣屬九江郡漢置汝南郡領三十七縣汝陰慎縣新陽細陽皆屬焉廬江郡領十二縣雩婁屬焉蓼安豐安風屬六安國沛郡領三十七縣譙縣山桑皆屬焉漢武帝置十三州汝南郡沛郡隸豫州廬江郡隸揚州後漢豫州刺史治於譙廬江之安豐蓼陽泉安風汝南之原鹿山桑皆為侯國三國時皆魏地景初二年始置汝陰郡治汝陰縣慎縣屬焉細陽省入汝陰置安豐郡雩婁蓼縣屬焉置譙郡治譙縣山桑屬焉又建譙為五都之一晉初汝陰

郡廢泰始二年復置領縣八治汝陰慎縣原鹿
屬焉咸和中安豐郡增置松滋郡尋復爲縣屬
安豐郡譙仍爲郡領縣七治譙縣山桑屬焉太
元中置南譙郡治山桑南北朝宋仍汝陰郡隸
豫州齊爲西汝陰郡梁置雙頭郡北魏爲北揚
州汝陰郡孝昌四年置潁州領郡二十縣四十
潁州之名自此始後齊仍汝陰郡其安豐郡宋
元嘉二十二年改置邊城郡治雩婁縣梁改西
邊城郡北魏因之東魏廢安豐郡譙郡宋改陳
留郡齊因之梁正始四年以譙城立南兖州北

魏置南兖州於渦陽孝昌中入於梁改置西徐
州後周始改譙郡爲亳州隋開皇初廢汝陰郡
存潁州大業初復汝陰郡開皇十九年改安豐
廢郡爲霍邱縣屬壽州大業初復改亳州爲譙
郡唐武德四年改汝陰郡爲信州六年仍曰潁
州天寶初亦曰汝陰郡乾元初復爲潁州領縣
四霍邱武德四年置蓼州七年州廢仍屬壽州
貞觀八年以譙州爲亳州天寶初亦曰譙郡乾
元初復爲亳州領縣七五代因之宋仍潁州領
縣四汝陰潁上泰和餘沈邱今別屬元豐二年

神宗以穎王嗣位升穎州爲順昌軍政和六年改順昌府穎之爲府自此始霍邱屬壽春府亳州領縣七譙縣城父蒙城餘四縣今別屬大中祥符七年建爲集慶軍穎隸京西北路霍邱隸淮南西路亳州隸淮南東路紹興後穎毫沒於金屬南京路惟霍邱仍屬宋端平元年金亡穎毫地歸宋旋入元霍邱至宋亡入元元穎毫皆爲屬府州隸河南江北道穎領穎上太和及沈邱屬汝寧府亳領譙縣城父及鹿邑屬歸德府霍蒙屬安豐路隸淮西江北道明洪武四年以穎州及所領之穎上太和并霍邱蒙城俱屬鳳陽府亳州降爲縣六年屬穎州弘治九年復升州隸鳳陽統於南直隸

國朝因明之制穎州穎上霍邱亳州太和蒙城俱屬鳳陽府雍正二年升穎毫二州爲直隸州穎上霍邱屬穎州太和蒙城屬亳州十三年升穎州爲府置附郭阜陽縣以原屬之穎上霍邱并亳州及所屬之太和蒙城屬焉凡一州五縣統於江南安徽布政使司

阜陽縣原穎州地禹貢豫州之域也周爲胡國

春秋魯昭公四年胡子從楚靈王會於申杜註
胡國汝陰西北有胡城卽今北城也西一百二
十里爲沈國春秋魯文公三年叔孫得臣會晉
伐沈沈潰杜註汝南平輿縣北有沈亭亭在今
沈邱鎮定公十五年楚滅胡定公四年蔡滅沈
楚復滅蔡地皆屬楚秦併楚置潁川郡汝陰縣
史記陳涉世家鄧宗汝陰人汝陰縣之名始見
於史漢汝陰縣屬汝南郡高祖封夏侯嬰爲汝
陰侯又平輿颍陽富波皆屬汝南其故城皆在
汝陰境內後漢光武建武中封宗室信爲汝陰

侯三國屬魏置汝陰郡治汝陰縣司馬宣王使
鄧艾屯田於此縣之爲郡治自此始省細陽入
汝陰縣晉汝陰縣屬汝陰郡宋仍汝陰縣齊汝
陰縣屬西汝陰郡又南汝陰郡有汝陰縣卽合
肥縣地則僑置之縣也梁汝陰弋陽滎陽北通
等雙頭郡皆有汝陰縣之名僑置許昌於汝陰
縣自後淮南北盡屬北魏魏置潁州治汝陰東
魏北齊仍汝陰縣屬汝陰郡隋汝陰縣屬潁州
汝陰郡僑置之許昌改清邱唐置信州又改潁
州亦曰汝陰郡皆治汝陰武德初有高唐永安

永樂等縣六年省永安高唐永樂貞觀元年省清邱及細陽之潁陽皆入汝陰五代時仍唐之舊宋潁州治汝陰縣開寶六年移州城於東南十里又升百尺鎮爲萬壽縣後改泰和復升潁州爲順昌軍又爲順昌府皆治汝陰紹興後沒於金金亡復歸宋旋復入元元以州治爲屬府州至元二年省汝陰縣入州領三縣潁上泰和沈邱屬汝寧府明洪武四年以潁州屬鳳陽府省沈邱領潁上太和設潁川衛

國朝因之裁衛雍正二年升潁州爲直隸州以原領之潁上及壽州所領之霍邱屬焉十三年升

州府以州地置附郭阜陽縣

潁上縣禹貢豫州之域也史記管仲潁上人索

隱曰潁水出陽城漢有潁陽臨潁今有潁上縣

又爲慎邑哀公十五年吳八伐慎白公敗之杜

註汝陰慎縣文獻通考以爲白公封邑考白公

封在褒信非慎縣也其東南邊境爲州來地成

公七年吳入州來昭公四年楚城州來十二

楚子狩於州來十三年吳滅州來季扎嘗邑於

此故曰州來季子後夫差遷蔡昭侯於此四

世孫齊爲楚滅秦置郡縣其地在九江潁川之
間漢置慎縣屬汝南郡又封樂說爲慎陽侯慎
本作滇漢永平五年失印更刻因誤水爲心耳
又州來地爲下蔡縣後漢建武三年封宗室賜
爲慎侯三國爲魏地屬汝陰郡通典慎縣有闕
爲吳魏以來關防津濟之所晉書志汝陰郡慎
縣註故楚邑南朝宋齊之慎縣皆僑置於南汝
陰北魏屬合州屬南梁皆廬州也其舊縣宋置
樓煩縣通鑑註宋僑置樓煩於汝陰界甘羅
城卽下蔡地梁置下蔡郡後齊廢又城經

註所謂蜩螗郭也梁普通三年裴邃拔魏鄭城
隋大業三年於故鄭城置潁上縣以枕潁水上
游爲名也屬潁州唐武德初移縣於今治屬潁
州五代至宋皆因之潁州改順昌府亦屬焉紹
興後沒於金改屬壽州金亡復歸宋旋入元元
廢縣尋復置屬潁州隸汝寧府明屬潁州隸鳳
陽府設潁上所
國朝因之裁所雍正二年屬直隸潁州十三年屬潁
州府

霍邱縣禹貢揚州之域也夏商至周爲蓼國皐

陶之後封於此春秋魯文公五年楚公子燮滅
蓼杜註今安豐蓼縣阜陶後也又雩婁邑襄公
二十六年楚人侵吳及雩婁昭公五年楚使遠
啓疆待命於雩婁以備吳史記註服虔曰楚之
東邑又雞父邑昭公二十三年吳敗諸侯之師
於雞父杜預曰安豐縣南有雞人亭又霍國周
成王時霍叔遷於此考左傳魯閔公元年晉滅
霍及耿文獻通考以爲在冀州則非霍邱地矣
或者其始封歟秦併楚置九江郡漢置雩婁縣
屬廬江郡又蓼縣安豐縣安風縣屬六安國高
祖封孔聚爲蓼侯又成德縣屬九江郡後漢建
武以安豐陽泉蓼安風四縣封竇融爲安豐侯
郡國志陽泉安風屬廬江郡靈帝封黃琬爲陽
泉侯三國屬魏置安豐郡治安風統蓼縣雩婁
其陽泉成德縣俱廢晉因之後廢蓼縣又僞置
義成縣又置松滋郡尋復爲縣宋元嘉二十五
年置邊城左郡領雩婁又置開化縣亦屬焉齊
仍改安豐郡梁改西邊城郡北魏因之又僞置
汝陰縣於故陽泉城尋廢又置臨水縣又邊城
郡領史水縣後齊廢入雩婁東魏廢安豐郡隋

開皇十九年復置安豐縣又置霍邱縣故安豐
 都尉治梁所置霍邱戍地也屬淮南壽州雩婁
 義成等縣俱廢唐武德四年以松滋霍邱置蓼
 州七年州廢省松滋以霍邱屬壽州考漢之松
 滋晉改宿松此則晉所暫置而又廢者神功元
 年改名武昌景雲元年復名霍邱五代至宋皆
 因之金史志無霍邱地仍屬宋也元屬安豐路
 明屬壽州洪武四年隸鳳陽府

國朝因之雍正二年改屬直隸潁州十三年屬潁州
 府

亳州禹貢豫州之域也商為南亳成湯所都書

經蔡註亳在宋州穀熟縣括地志云宋州穀熟

縣西南三十五里為南亳穀熟縣今廢河南商

邱縣有穀熟集其西南亳州地也周為陳國地

春秋魯僖公二十三年楚伐陳遂取焦夷杜註

焦今譙縣夷今譙郡城父縣襄公元年晉以東

諸侯之師伐陳遂侵焦夷昭公九年楚遷許于

夷實城父三十年吳滅徐徐子奔楚楚城夷而

處之哀公六年吳伐陳楚救陳師于城父通典

曰亳州理譙縣周封神農之後于焦即其地考

史記周本紀註則又以為弘農陝縣有焦城非
亳州地也戰國時屬宋後復屬楚秦併楚置譙
縣史記葛嬰攻譙下之又城父縣史記秦李信
引兵而西與蒙恬會城父俱屬碭郡漢置沛郡
譙城父屬焉封尹恢為城父侯又建成縣史記
建成侯彭越曹參初封建成君宣帝五鳳中封
黃霸為建成侯後漢為沛國豫州刺史治於譙
城父屬汝南省建成縣三國屬魏置譙郡曹操
譙人文帝黃初二年遂建譙為陪都自譙循渦
入淮晉仍為譙郡永昌初陷於石勒永和五年

復歸于晉升平三年沒於慕容燕又為苻秦所
擾晉末縣廢宋齊亦置譙郡又僑置陳留郡治
小黃又僑置浚儀縣其譙郡則又僑置于淮南
又改置于渦陽梁置南兗州治譙領陳留等郡
北魏亦置南兗州後齊廢小黃後周始置亳州
取南亳以名也隋仍亳州開皇初廢陳留郡十
六年分置梅城縣大業三年改廢小黃為譙縣
併梅城入焉十八年改浚儀為城父俱屬亳大
業末改譙州唐武德三年於魯邱堡置文州藥
城縣四年州廢為文城縣七年省入城父貞觀

八年改譙州爲亳州領縣七譙城父蒙城其真源則義門集地也餘三縣今別屬梁改城父爲焦夷龍德元年改焦夷爲夷父唐晉漢周仍名城父宋仍亳州領縣如唐真源則改衛真大中祥符間建集慶軍紹興中沒於金復爲亳州隸南京路又升集慶軍金亡復歸宋旋入元元初亳州領縣六譙城父餘鄆鹿邑衛真穀熟今在河南後領縣三譙鹿邑城父統隸歸德府明洪武初以州治省譙縣入州尋降爲縣屬歸德府六年屬潁州弘治九年復升爲州屬鳳陽府設

武平衛

國朝因之裁衛雍正二年升直隸州以潁州所領之太和及壽州所領之蒙城屬焉十三年屬潁州府

太和縣禹貢豫州之域也春秋時爲鹿上邑左傳魯僖公二十一年宋人爲鹿上之盟杜註宋地汝陰有原鹿縣戰國時地屬楚秦潁川郡新陽縣史記呂臣起新陽漢有新陽又置細陽縣屬汝南郡縣有細水故名本作洎俗從細卽茨河又新鄭漢書註細水出新鄭潁州志以爲在

汝陰卽鄴邱誤也後漢仍新陽又封岑遵爲細陽侯又置原鹿縣建武十五年封陰識爲原鹿侯建初四年徙宋公於新鄴號曰宋屬汝南三國時細陽省入汝陰梁僑置陳留縣卽細陽縣地也並置陳留郡及陳州東魏州廢隋開皇初郡廢十八年改陳留爲潁陽唐貞觀元年省潁陽入汝陰宋開寶六年析汝陰之萬壽等五鄉置萬壽縣建縣治於百尺鎮屬潁州後改曰泰和元至元二年省入潁州後復置移縣治於今地曰太和屬潁州隸汝寧府明屬潁州隸鳳陽

府

國朝因之雍正二年屬直隸亳州十三年屬潁州

蒙城縣禹貢豫州之域也殷盤庚自奄遷於北

冢羅泌路史曰北冢蒙也春秋時爲楚東境史記莊子蒙人也秦爲碭郡地漢置山桑縣屬沛郡後漢屬汝南郡建武二年封王常爲山桑侯三國魏屬譙郡晉太和中置南譙郡尋僑置於淮南北魏太和中置南兗州治渦陽縣又置蒙縣景明中改置渦州渦陽縣孝昌中入於梁改置西徐州又於蒙縣置北新安郡東魏武定六

年改置南譙治渦陽又置蒙郡陳大建五年克
 譙城北周仍為譙州及南譙郡隋開皇初廢蒙
 郡十六年改渦陽縣為肥水縣大業初廢譙州
 仍改山桑縣屬譙郡唐屬亳州天寶元年改山
 桑縣為蒙城縣五代唐改屬壽州宋仍屬亳州
 紹興後沒於金改屬壽州元屬安豐路明屬壽
 州隸鳳陽府

國朝因之雍正二年改屬直隸亳州十三年屬潁州
 府

沿革表

豫州

豫州

揚州

豫州

豫州

豫州

參國 阜陶之後封於蓼

南亳 穀熟為南亳在商邱縣東南四十里今有穀熟

西亳 州之西北境也

北蒙 盤庚遷北蒙即商邱之天蒙

小蒙 也今蒙城接壤地

阜 陽 潁 上 霍 邱 亳 太 和 蒙 城

豫州

豫州

揚州

豫州

豫州

周

豫州

豫州

胡國魯定公十五年滅胡

魯定公四年蔡滅沈

五年吳州來後為楚所滅

人伐慎州來

二國楚子燹滅蓼

侵吳及雩婁人雞父

焦邑夷邑楚伐陳取焦夷焦

也鹿上邑魯僖公二十一年宋

蒙邑莊子蒙人也地屬楚

阜

陽

上

霍

邱

毫

州

太

和

蒙

潁川郡

汝陰郡宗汝陰人

潁川郡

身陽潁上

九江郡

霍邱

潁郡又曰泗水郡漢書地理志注

譙史記葛嬰城父史記李信

潁川郡

會城父

潁川郡

新陽呂臣起新陽世家

潁郡

太州毫

秦

宋

豫州	豫州	豫州	南豫州
汝陰郡 <small>又為汝陰</small>	汝陰郡 <small>西汝陰</small>	陳留郡 <small>晉咸康四年僑</small>	南譙郡
汝陰 <small>秦始以後沒於魏</small>	樓煩 <small>僑置</small>	小黃 <small>僑置浚儀</small>	山桑
	開化	史水	
阜陽	上頓	霍邱	亳州
陽	穎	太	蒙城

陰其南汝陰則僑置於淮

南汝陰郡

其譙郡則僑置於淮

其慎縣則僑置於南汝陰郡

齊

豫州	豫州	豫州	豫州	南豫州
西汝陰郡	西汝陰郡	安豐郡	陳留郡	南譙郡
汝陰	樓煩 <small>僑置</small>	雲婁	小黃 <small>僑置浚儀</small>	山桑
		開化	史水	
阜陽	上頓	霍邱	亳州	蒙城
陽	穎	太	蒙城	

又北譙城又蒙俱屬梁郡

元魏

北揚州	汝陰郡	南兖州	下蔡郡	揚州	邊城郡	又屬霍	西邊城郡	南兖州	陳留郡	北揚州	汝陰郡	譙州	南譙郡
-----	-----	-----	-----	----	-----	-----	------	-----	-----	-----	-----	----	-----

汝陰	許昌	樓煩	安豐	史水	開化	小黃	浚儀	宋	仍齊	魏有	陳留	原郡	宋齊	失陳	留
----	----	----	----	----	----	----	----	---	----	----	----	----	----	----	---

阜陽 上 穎 州 太 和 家 城

隋

潁州	汝陰郡	潁州	汝陰郡	壽州	淮南郡	豫州	周譙郡	置亳州	潁州	汝陰郡	亳州	譙郡
----	-----	----	-----	----	-----	----	-----	-----	----	-----	----	----

汝陰	清邱	潁上	霍邱	譙	城父	山桑	肥水	潁陽	入譙	尋廢	入譙	山桑
----	----	----	----	---	----	----	----	----	----	----	----	----

阜陽 上 穎 州 太 和 家 城

唐

河南道	河南道	淮南道	河南道	河南道
州初改置信	郡治汝陰	壽州初以霍	壽州邱松滋	壽州治譙
汝陰	初有永安高唐永樂壽皆入汝陰	霍邱	開化	譙城父
武德四年置	武德四年置	改名武昌安豐	武德四年	王世充置成州
州八年廢	州八年廢	武德四年	武德三年置文	武德三年置文
陽	上	邱	霍	亳
阜	穎	霍	太	蒙

五代

河南道	淮南道	河南道	河南道	河南道
州初改置信	郡治汝陰	壽州初以霍	壽州邱松滋	壽州治譙
汝陰	初有永安高唐永樂壽皆入汝陰	霍邱	開化	譙城父
武德四年置	武德四年置	改名武昌安豐	武德四年	王世充置成州
州八年廢	州八年廢	武德四年	武德三年置文	武德三年置文
陽	上	邱	霍	亳
阜	穎	霍	太	蒙

宋

京西北	路	穎州後升順	汝陰	開寶六年移州	阜
昌軍改順昌	府	治汝陰	穎上	紹興三年金亡歸宋後入元	陽
淮南西	路	壽春府	霍邱	紹興後尚屬宋	霍
淮南東	路	亳州	譙城	父衛真	邱
京西北	路	穎州	太和	萬壽縣後改太和	州
淮南東	路	亳州	蒙城	紹興中沒於金改屬壽州	蒙

金南京路

穎州	穎州	亳州	壽州	蒙城	阜
穎州	穎州	升集慶軍	壽州	蒙城	陽
汝陰	穎上	元光二年改隸壽州	金史壽州無霍邱地尚屬宋	太和	州
穎州	穎上	太和	蒙城	蒙城	霍

河南江汝寧府
北道

汝寧府

潁州
省為汝陰縣
太宗十四年攻金府州
順帝十一年劉福通陷潁州

淮西江安豐路

霍邱

順帝十五年韓林兒走安豐

河南江歸德府

亳州

譙城父

北道

太宗六年金亡宋復後入元
順帝十五年韓林兒帝於亳

河南江汝寧府

太和

初省入潁州
後復置

北道

淮西江安豐路

蒙城

北道

明南直隸鳳陽府

潁州

潁川衛

潁上

潁上所

霍邱

亳州

初降者縣屬潁州弘治九年復

武平衛

太和

蒙城

陽 潁 上 霍 邱 亳 州 太 和 蒙 城

國朝	江南北	江安徽	布政使	鳳陽府
----	-----	-----	-----	-----

穎州	穎北	霍邱	亳州	太和	蒙城
----	----	----	----	----	----

雍正二年升
穎亳二州為

直隸州

穎上 屬穎州

江南上
穎州

霍邱 屬穎州

江安徽

太和 屬亳州

布政使

蒙城 屬亳州

亳州

國朝

雍正十三年阜陽繁疲難
升潁州為府

潁生 疲難

霍邱 疲難

亳州 衝繁難

太和 繁難

蒙城 繁疲難

國朝

江南上

江安徽

布政使

司

潁州府 衝繁

附潁州改府緣由

江南潁州府為酌請改設府縣以專責成以裨

吏治事雍正十三年八月初十日 吏部咨開

文選清吏司案呈吏科抄出陞任安徽巡撫王

等

題前事雍正十三年四月初四日奉

旨該部議奏欽此會議得陞任安徽巡撫王 等疏

稱上江之直隸潁州界接豫省地方遼濶錢穀

而外刑名事件數倍他屬即本州地方之事猶

慮竭蹶不遑何能再顧屬邑似應將潁州陞為

府治設立知府一員附郭添設知縣一員卽以
潁州原治地方爲新縣管轄該府除新縣一縣
并原屬之潁上霍邱二縣外其直隸之亳州一
州并亳屬之蒙城太和二縣境土與潁毗連潁
州旣陞爲府則亳州無庸仍設直隸可與蒙城
太和二縣均歸潁州府管轄共一州五縣知府
員下僚屬應添設糧捕通判一員監兌漕糧督
緝捕務添設經歷一員兼管府司獄事新縣員
下應添設縣丞一員典史一員舊有沈邱鎮巡
檢一員卽歸新縣統轄其府學事務卽以潁州

原有學正改爲教授縣學事務卽以潁州原有
訓導改爲新縣訓導分隸管理等語應如該撫
等所請又疏稱知府與經歷衙署原有知州吏
目舊署新縣縣丞亦有州同舊署府監府倉俱
有州監州倉至府學

文廟教授訓導衙署卽將州學改名以縣學附入
均無庸添建惟通判與新縣典史衙署及新縣
監庫應請添造等語亦應如該撫等所請又疏
稱現在潁州學文武生員應各半分隸府縣兩
學肄業將來歲科兩試入學名數并廩增貢額

俟會同學臣另核具題等語亦應如該撫等所
請又疏稱新設府名似可做下江徐州政府之
例卽改爲潁州府添設新縣恭候
欽定佳名改設之潁州府應仍由鳳陽道管轄盤查
所有各員役印信關防鈐記
勅部換給其有應另擬字樣者酌議另行咨部又潁
州知州原係疲難要缺亳州知州原係衝繁難
三兼最要缺今既改隸則潁州知府亳州知州
均應改爲衝繁難三兼最要缺新縣知縣應爲
疲難要缺潁州府通判兼司糧捕亦應爲
要缺亳州州同專司本境事務較之直隸州佐

稍簡應改爲中缺新縣縣丞駐札方家集仍爲
需繁要缺新縣只有典史協理且在附郭亦應
定爲需繁要缺應設潁州府知府一員通判一
員新縣知縣一員并亳州改非直隸州知州一
員印懇

聖恩勅部揀選補放其改設之縣丞典史卽將現在
裁缺之潁州州同吏目以原銜管理府學教授
卽將裁缺之潁州學正以原銜管理新縣訓導
卽將潁州裁缺訓導改補改設經歷廳一員

部銓選亦應如該撫等所請又疏稱應添建之
各員衙署暨監庫等項工料及應設官吏俸錢
一切事宜統俟部覆奉
旨允准之日另行分晰具題等語亦應如該撫等所
請於雍正十三年七月十三日奉

旨依議欽此

疆域

潁州府

東西四百二十里南北七百七十里東南到江寧府
省城七百二十里到安慶府省城七百二十里
東至鳳陽府壽州鳳臺縣界

西至河南陳州府沈邱項城汝寧府汝陽新蔡
四縣界

南至河南直隸光州固始縣界

北至河南歸德府永城

東南至直隸六安州界

東北至鳳陽府宿州界

西南至河南直隸光州息縣界

西北至河南歸德府鹿邑縣界

阜陽縣

東西三百里南北二百里

東至潁上縣界

西至河南汝寧府新蔡汝陽二縣界

南至河南直隸光州固始縣界

北至太和亳州界

東南至霍邱縣界

東北至蒙城縣界

西南至河南汝寧府新蔡息二縣界

西北至河南陳州府沈邱項城二縣界

潁上縣

東西一百三十里南北一百零五里西到府城

一百二十里

東至鳳陽府鳳臺縣界

西至阜陽縣界

南至霍邱縣界

北至鳳臺縣界

東南至鳳陽府壽州界

東北至鳳臺縣界

西南至霍邱縣界

西北至阜陽縣界

霍邱縣

東西一百四十五里南北二百四十五里西北

到府城一百八十里

東至鳳陽府壽州界

西至河南直隸光州固始縣界

南至直隸六安州界

北至潁上縣界

東南至直隸六安州界

東北至鳳陽府壽州界

西南至河南直隸光州固始縣界

西北至阜陽縣界

亳州

東西一百六十里南北一百三十里南到府城

二百四十里

東至蒙城縣界

西至河南歸德府鹿邑縣界

南至阜陽縣界

北至河南歸德府商邱縣界

東南至蒙城縣界

東北至河南歸德府永城縣界

西南至太和縣界

西北至河南歸德府鹿邑縣界

太和縣

東西一百五十里南北一百七十里東南到府城七十里

東至阜陽縣界

西至河南陳州府沈邱縣界

南至阜陽縣界

北至亳州界

東南至阜陽縣界

東北至亳州界

西南至河南陳州府項城縣界

西北至河南歸德府鹿邑縣界

蒙城縣

東西一百五十里南北一百四十里西南到府城一百八十里

東至鳳陽府懷遠縣界

西至亳州界

南至鳳陽府壽州界

北至鳳陽府宿州界

東南至鳳陽府壽州界

東北至鳳陽府宿州界

西南至阜陽縣界

西北至鳳陽府宿州界

星野

周官保章氏以星土辨九州之封域皆有分星

以觀妖祥潁州府六屬文獻通考阜潁亳太蒙

為禹貢豫州之域霍為禹貢揚州之域鳳陽府

志則以蒙屬徐州今考三州所繫之十二次二

十八舍五星北斗所繫以備參考

十二次分野周官保章氏註星紀吳越也降婁

魯也大火宋也漢劉歆及魏陳卓自氏五度至

尾九度為大火於辰在卯宋之分野屬豫州費

直起氏十一度至尾八度蔡邕起亢八度至尾

四度一行起氏二度至尾六度自南斗十二度
至須女七度爲星紀於辰在丑吳越之分野屬
揚州費直起斗十度至女五度蔡邕起斗六度
至女二度一行起斗九度至女四度自奎五度
至胃六度爲降婁於辰在戌魯之分野屬徐州
費直起奎一度至胃三度蔡邕起璧八度至胃
一度一行起奎二度至胃三度唐書天文志奎
婁降婁也初奎一度終胃三度氏房心大火也
初氏三度終尾六度斗牽牛星紀也初斗九度
終女四度明清類天文分野書以斗三度至女

一度爲星紀奎二度至胃三度爲降婁氏二度

至尾二度爲大火

二十八舍分野史記天官書房心豫州牽牛婺
女揚州奎婁胃徐州漢書地理志魯地奎婁之
分野也宋地房心之分野也吳地斗分野也晉
書天文志房心宋豫州汝南入房二度沛郡入
房四度梁國入房五度牽牛須女吳越揚州六
安入女二度奎婁胃魯徐州唐書天文志沈蓼
胡國氏涉壽星當洛邑衆山之東與亳土相接
又曰商亳爲心分宋地理志宋西北路荆豫之

域而豫壤爲多當角亢氏之分東暨汝潁明清
類天文分野書斗牛在丑吳越分揚州奎婁在
戌魯分兗州氏房心在卯宋分徐州
五星分野史記天官書宋鄭之疆候歲星吳楚
之疆候熒惑春秋元命苞鈎鈐星別爲豫州五
星主鎮星牽牛流爲揚州五星主熒惑天氏流
爲徐州五星主歲星星經鎮星主嵩高豫熒惑
主霍山荆揚交歲星主泰山徐青兗
北斗分野史記天官書二十八舍主十二州斗
秉兼之春秋緯文耀鉤北斗七星豫州屬搖星

徐揚二州屬權星星經玉衡第七星曰搖光主
豫州以五午日候之王午爲梁國丙午爲汝南
戊午爲沛國第六星曰閭陽主揚州以五巳日
候之巳巳爲盧江

按星野分配諸書多異同史漢以房心宋分爲
豫州奎婁魯分爲徐州晉志以沛國譙郡俱宋
分屬豫州隋志以譙爲宋分屬豫州沛爲魯分
屬徐州唐志以沛爲大火之次與漢志同明清
類天文分野書謂宋得徐州之地爲多遂改大
火爲徐州江南省志以潁州府爲大火宋分徐

豫二州之域今考天官書分星每度相去二千九百三十里七十一步二尺四寸四分在地每度二百四十里阜陽在房二度賴上太和亦房二度亳州在房三四度之間蒙城在心一度俱大火之次宋分霍邱斗十一度爲星紀之次吳越分阜賴亳太屬豫州霍邱屬揚州蒙城爲徐豫之交

山

嶺 邱 墩

潁州府

附郭阜陽縣

中村岡

郡城南七十里南臨谷河

安舟岡

無涯往來舟楫依岡停泊故名

楓北岡

郡城南九十里近地里城

金岡

郡城南一百一十里蒙河之北

仁勝岡

郡城南一百一十里

熬鼎岡

郡城西南一百四十五里汝水之北

臥牛嶺

郡城南門外三里

七旗嶺

郡城南七十五里北臨谷河俗傳王保保屯兵於此樹七旗故名

金牛嶺 郡城南一百二十里淮水北

黃牛嶺 郡城西一百六十里流鞍河北

鄴邱 郡城東五里相傳新鄴縣在此但去胡平城太近恐無另設一縣之事鳳陽志已辨

非其

清邱 郡城東五十里隋有清邱縣今以名村

澹邱 郡城東八十里

黃邱 郡城南四十里

金邱 郡城南八十里臨淮河舊志謂楚王埋金於此以厭勝者

破邱 郡城西一百六十里乳香臺之下流舊名貨邱後為黃河決破故名

潁上縣

梧桐 縣東南十里

黃岡 縣西南二十里臨淮河

垂岡 縣東南四十里淮河北岸

鄭家岡 縣東四十里

王岡 縣東五十里

焦岡 縣東南七十里

同邱 縣南四十里

鐵邱 縣西五十里

烟墩 縣北一里大溝北岸

三里墩 縣西三里

九里墩 縣南九里

霍邱縣

凱山 縣西南三十里

跌牛山 縣西七十里

藥山 縣南八十里產藥

仇山 縣西八十里舊名韓

高祖山 縣西八十里相傳漢高祖

馬鞍山 縣西八十里

打石山 縣西八十里

南長山 縣西八十里
北長山 縣西八十里

北長淮水漲時青翠如帶大別山引其首

臨水山 接其尾真巨觀也有洞名楊廣洞

大別山 縣西南九十里接固始縣界即禹貢之

安陽山 以漢安豐縣在山西北也鄜道元曰俗

謂之檀公峴一名巴山又名下靈山決水出於

此有巖名獅子口

芙蓉山 別連大

臨水山 縣西南九十里西帶史河

灌山 縣西一百里山下

下驪山 縣南一百五十里

九僊山 縣南一百五十里半壁峭立有巨石大

三尖山 縣南二百里三峯插空天霽登城樓可望

九丈潭山 縣南二百里山下有潭俗傳深九丈因名

大步山 縣南二百里

羸山 縣南二百里

梅山 縣南二百里俗傳有張果老釣魚遺跡

牛城山 縣西南二百里

望到山 縣南二百里山形峭峻遙望似近而難到

落筆山 縣南二百五十里俗傳仙人落筆

豹子崖 縣西南九十里近開順鎮按鳳陽志元史霍邱豹子崖有銀洞今廢明隆慶初

居民招流棍掘鑛巡檢郭綬具申知縣楊廷瑞緝拿拒傷官兵因置把總官防禦尋撤

五里岡 縣東五里

花家岡 縣北十里

竹子岡 縣東十里

破岡 縣南十五里地脉白三尖山直抵縣治此處起頂

棗林岡 縣西南二十里

臨淮岡 縣西北三十里下臨淮河

杜家岡 縣北四十里

高岡 縣東南五十里

臥兒岡 縣西南五十里

張家岡 縣西北二十五里

亳州

南虎頭岡 州南一里

虎頭岡 州北二里 迴伏數里 為城北之屏障

五里岡 州南五里

太和縣

萬壽山 縣北四十五里 萬壽城之北一里

茅岡 縣西北十五里

曹順岡 縣西南二十五里

盧家岡 縣西南四十里

臥龍岡 縣西北六十里

蒙城縣

稽山 縣城內 儒學東北 環山皆水 相傳稽康曾隱此

土山 縣北十里

石山 縣東北十五里 巖有大寺 嶺上有高皇廟

狼山 縣西北十里 巖有雙峯 峭立山巔 有天池 泉山之陽 有寺

靈山 縣西北二十里 岡嶺盤紆 巖下有洞 曰黃伯洞 泉曰黃伯泉 相傳黃伯陽於此仙去

齊山 縣西北二十五里

檀城山 縣北四十里 山桑城內 舊名北冢山 卽盤庚所遷地也

鐵牛嶺 縣西北八十里

水 湖 溜 澗 潭 井 泉 破塘 關

潁州府 附郭阜陽縣

潁水 發源河南登封縣陽乾山登封漢陽城縣

少室山 水出少室山南谿故以爲出陽城縣少室

周家口 而下至潁岐口分流項城縣至趙家渡

邱鎮楊橋 折而東爲長灣又折而南爲私擺渡

過田家集 至城東北之三灣仍與沙合流過

留陵口 出潁上縣界至八里梁入淮明洪武初

黃河自通許 之西分支從陳州南水入南潁

潁東流 宣德五年黃流既絕潁岐口亦淤與周

家口之 上流不通俗呼爲小河潁州志謂上通

古汴下 達淮泗今沈邱鎮

而不上 通舟楫矣另有考

沙水 爾雅釋水潁別爲沙其源有二一發源河

水合南 至周家口與潁水合一爲汴水之派

古名蔡 水賈魯河注之又稱惠民河東南過西

華縣 逕淮寧縣李方口亦南至別家口與潁水

合自此 而南下潁水矣至潁岐口分而爲

二其由 南頓至項城者俗呼潁河由新站至太

和者俗 呼沙河實則皆潁水也自太和至界碑

集郡城 北之五里入阜陽縣境至三里灣仍

與潁合 流東至潁上縣八里梁入淮明洪武初

黃河泛 溢亦稱

小黃河 另有考

汝水 發源河南汝州天息山至鄆城與沙水合

同注於 周家口自此而東至郡城出潁上縣峽石

北入西 平縣至汝寧府東至新蔡縣又東至郡

城西南 一百七十里之桃花店入境迤朱阜渡

入淮今 舞陽上流已斷非

天息山 之汝水矣另有考

小汝河 郡城西一百三十里流子塚南積乾柳

南至沈 邱鎮北入潁按汝

潁合流 此即汝水之支也

潁州府 志

卷之十一

山水

天

淮水春秋說題辭淮者均其勢也釋名淮園也

文出南陽縣大復山白水經出南陽平氏縣胎相說

固始至郡城南一百二十里朱阜渡入境即三

縣境南岸為觀港安丹岡等村至南照出頰上

霍邱縣境為觀港安丹岡等村至南照出頰上

肥水此西淝水也自亳州遷太和入阜陽境出

郡守王敏福請回曲折每易淤塞乾隆十二年

開濟有考

清河邵城之南相傳楚靈王自木臺西開通商

抵城下五代時王祚為潁州刺史疏古通商渠

更各清河受大潤河小潤河之水匯椒陂過水

臺達淮歐陽公詩曰清河兩岸柳鳴蟬即此南

渡後日漸湮塞乾隆十一年郡守王敏福集

紳士公議挑淤五千四百丈約三十里寬二丈

五尺深六尺蓋滄之水北庄城隍南由小潤

河達大潤河入淮是歲值澇獨清河兩岸大熱

南北分流處且城十八里舊有分水龍王廟形

家以為來龍過

脈處也另有辨

小潤河郡城南三十里溝滄積成河過

大潤河郡城南五十里源於土坡又棠林南諸

椒陂至板橋入淮

乾隆十二年疏濬

桃子河郡城南六十里源自海家溝分

谷河至艾亭集入境經油店橋楊宅橋七星岡

至中村岡又南

至水臺西入淮

蒙河郡城南一百二十里自紅林東陂積水成

淮乾隆三年郡守孫光祀因淮

水漲濶修築土壩今復衝決

頰州府志

七里河 郡城西無源入潁河

三十里河 郡城西自蠶方以北吹滄之水積流成河至蔡村南入潁河

西茨河 郡城西無源舊因黃河橫決成河合太輞車營前後陂積水直流入柳河

柳河 郡城西一百里源自白楊湖會稅予步以南諸水積流至許家窩成大河經廢柳河

鋪過石羊 鋪人沙河

延河 郡城西一百二十里自河南新蔡縣東流入境至龍首達姜寨楊橋入潁河乾隆十

二年 疏濬

流鞍河 郡城西一百二十里無源自三障陂積水過黃牛嶺至沈邱入潁河舊傳光武

與王尋戰失利 渡河漂鞍因名

舒陽河 郡城西一百二十里自河南項城縣柳樹集北入境經鄭家湖陶中湖入

東七里河 清河之東入沙河

十八里河 郡城東無源撫軍廟南諸陂溝滄之水所集延袤五十里入張家湖達沙

東三十里河 郡城東無源由梁莊坡南流過倒塢坡入張家湖達沙河

五門河 郡城東北三十五里由茨河東濬通良莊湖五十里東南通留陵口四十餘里

水漲可行 舟今廢

茨河 郡城北自太和斤溝西南流入境至石羊鋪即茨河鋪入舊黃河達沙河按舊黃河

金元時黃河水決 泛溢成河也今淤

輿地志 山水

旱

旱

旱

西湖 郡城西五里舊廣二里袤十餘里唐許渾

陽修蘇軾相繼為守皆嘗燕賞於此亭臺之勝

詩酒之樂與杭之西湖並稱歐公創建書院後

乞身歸穎終老湖上今裔孫有家焉者其後蘇

公乞留黃河夫萬人濬治西湖並境內溝洫歲

久淤淺為鄰近規為田嘉靖乙未兵備道李公

宗樞委判官呂景蒙勘復湖地十頃有餘湖面

及岸灘地共周一十六里重建書院祠宇後漸

廢知州謝詔力清湖址

國朝康熙七年知州喻三畏浚湖修牖二十五年知

州馬之驊引流植木勘查隱佔尋復廢雍正十

三年初改府郡守盧兄曾查復湖田一十六頃

葺古蹟建湖心亭畫舫齋乾隆十三年郡守王

斂福增修清理湖租水坡地除給歐陽公後人

地四百四十畝文昌祠香火地一百畝外餘一

百六十畝水面八百九十四畝每年課租

為修理祠宇培補湖堤春秋祭祀之用

慧湖 郡城東里許邑人王

東張家湖 郡城東一十里穎水北岸方廣六七

龍公化龍處也 郡城東一十里穎水北岸方廣六七

西有龍封溝 郡城東北三十五里插花集

良莊湖

姑嫂湖

鏡湖

六百丈湖

雙冢湖

南張家湖

陶中湖

白楊湖

成湖

界溝湖

黃河水道

於此

山水

地志

周圖

四里

一百七

十五

十里

黃河

水道

范家湖

今郡城西一百二十里

界溝湖

成湖長三十里亦黃河水道淤隔

長二三

里成化中同知劉節

鄭家湖

五里俗傳鄭祥遠據此湖與張龍公戰

鴨兒湖

今郡城北三十里茨河東

泗窩溜

十郡五城東三

黃岡溜

三郡十城西

坎王溜

十郡五城西

黃河新溜

六郡十城西

白廟溜

十郡五城北

黑龍潭

城內東北

西門外龍井

西門外里許有井水清冽乾隆

禱於井而

雨沾足十六年夏又旱又禱焉亦於是日得雨

表其異

白蟹泉

西門外半里深不盈二尺大旱不

崇灣

谷城南七十里

水臺灣

有城南一百里淮河寬處

宣灣

城南一百里

鯉魚灣

水旁一小洲如魚故名

牛角灣

東南流灣曲如牛角故名

真地志山水

老堰灣 郡城南一百六十里汝水落則灣中皆高腰居民築堰壅五以溝水以溉田

龍項灣 郡城西一百七十里

八里灣 郡城北岸今皆樹藝

蜜流灣 郡城北一百七十里

黃邱港 郡城西南五十里積後坡之水南達潤河

母猪港 郡城北八十里肥河之南首三增尾小橋南北溝滄之水悉集東連肥河泛溢

可行

白魚港 郡城北九十里達於肥河

白龍溝 郡城西北不及半里水自西湖東南流遠故學宮之北東帶郡屬壇出飛虹橋

又七里河之水經蘆花湖北流亦出飛虹橋俱入潁河

七里溝 郡城東七里

龍封溝 郡城東三十五里引張家湖水南入潁河

站溝 郡城東五十五里入潁河

海家溝 郡城南七十里東流為桃子河

清溝 郡城南一百里為清陂塘設塘西一溝上通汝河前代置牖汝濱水澗則啟牖取水

足則閉之塘東二溝並馳而東六

十里至紅林為民田水利今俱廢

蔡村溝 郡城西三十里引柳河以南坡水入潁河隔河有寅溝引義塘東南之水亦入

伍名溝 郡城北三十里以近子胥宅得名相傳伍奢為太子建相日開此以洩潦水今

西北猶賴此溝免水患自母猪港南直流水今里至入沙河處地勢益低注下幾數十切聲如

擊鼓又名

乾溝 郡城西北四十五里與亳州

小橋溝 郡城北九十里淝河迤西坡水聚積泛

亦通於三汜溝 淝河

紫壩溝 郡城北龍德寺南

金溝 郡城北一百二十里岳廂之西畝澮

雙溝 郡城西小汝河北自沈邱河八里灣而東

汝河黃溝基字溝溝南有陳家溝

木家溝 沈邱小汝河南積流至樂莊

九里溝 沈邱之東水自范家湖過定鄉

版腸溝 郡城西南一百四十里積

五汜溝 郡城西南一百六十里艾亭北有泉

椒陂塘 郡城南六十里廣十餘頃唐刺史柳實

陽公詩作焦陂當時自城舟行

雙陂 郡城南八十里相傳昔人自谷河障

土陂 郡城南九十里居民築陂障老軍

安舟塘 郡城南一百里環安舟岡七

益陂 郡城南楊宅橋西障谷河水

清陂塘 郡城西南一

三障陂 郡城西南一

温家堰

郡城南七十里土人築堰以蓄

鍾家堰

郡城南八十里乾隆十

三開

清河穿大小潤河之水自分水龍王廟南

三處

龍溝入潁昔人於大潤河小潤河白龍橋

力起

三開焦波下與長淮通之句今俱廢

城隍

萬曆年間知州謝詔以城河水易洩相

言有

關城守心不可廢後毀崇禎年間知州任

國又

移建於西門橋之北順治八年邑紳劉壯

故處

旋向在阜財樓五門樓之中俟非謝開

工各

紳士捐銀八百餘兩一載將成水漲衝決

最宜

水法亦合必調開址也因定議移阜財樓

下經

始於乾隆十四年至十六年告成府縣

董事

各生共捐銀三百餘兩已故監生馬榮之

妻姚

氏助銀六百兩婦

婦李

喻氏捐石柱三條

西湖

開湖易涸日漸淤塞明萬曆始置石閘

守盧

見會乾隆十三年

郡守

王敏福歷加修葺

潁上

縣南自阜陽縣界至南照入

淮水

境東至八里塚出壽州境

沙水

即潁水也在縣北自阜陽縣界至留陵

於淮

流入

淝水

西淝河也縣北自阜陽至金溝入境

新河

即沙河開濬使復故道何豸踵行未竟萬曆二十

八年孫應龍力終厥
役計長三里名新河

八里河 縣南八里即柳

史河 縣東十里

江口河 縣西北五十里源出阜陽蘆其水

潤河 縣西南自阜陽至漕口鎮入

清河 自阜陽入境

濟河 縣北五十里源出亳州之東北流

鹽站湖 縣南

長林湖 縣東北十里上通茅城溝

陽臺東湖 縣北十五里二水合流經陽臺

河

江家湖 縣西北二十里水

丁家湖 縣東二十五里

班村湖 縣西北三十里水注

白塔湖 縣東北三十里水通灰溝

白馬湖 縣東四十里水

第三湖 縣西南

團湖 縣西五

河東溜 城外

邢旗溜 縣北

鹽村溜 縣東十里

桑園溜 縣南十里

草廟溜 縣北三里

賢場溜 縣東北四十里

曹家溜 縣東南六十里 洪武壬申夏黃河水決入沙河正統丁巳復大溢水中突起土

嶼遷移不常奔騰碎湃遂稱極險正德甲戌其流始平

澗頭澗 縣北二十五里

雙澗 縣北三十里 一派故名

烏龍澗 縣西北四十里

姬家澗 縣西北四十里

花水澗 縣南五里

馬蝗澗 縣西南十里

賽澗 縣東南十里

翻車澗 縣東南六十里 澗口鑿達清河

白龍潭 縣北七十里 沙河北舊志有白龍升於此有寺黃河水決衝圯後立廟岸側今亦廢

廢

張公潭 俗傳張龍公與鄭祥建爭釣處有祠立于岸上

魚鱗潭 縣西北四十里

蓮花池 縣西八里

龍池 縣西四十里 俗傳張公九子蛻化龍處

索家灣

縣東八里

長灣

縣北二里

留犢灣

縣東二十五里

陳預灣

縣東四十五里

朱四灣

縣東四十五里

大溝

縣西二里

王愛溝

縣北十里陽臺長林湖水皆注此溝西入沙河民人王愛世居溝側故名

茅城溝

縣東北二十里東流復折而南入長林湖

西柳溝

東柳溝自阜陽縣南東流入縣經柳河村柳谷溪又屯南流至湖臺

黃溝

自阜陽縣入境西北流三十里折而東入沙河

十字溝

黃溝支流通柳溝

灰溝

縣東四里東南六十里上

涿溝

縣東南六十里上接灰溝下達沙河

金溝

縣東北六十里出澗口入於淮

秋家溝

縣東南七十里秋僉事家於此

蔡家溝

由灰溝入沙河以下五溝邑令薛宗琳捐濬

蔣家溝

由長林村入沙河

曹家溝

由五里湖入沙河

廣連溝

由五里湖入沙河

劉家溝

由五里湖入沙河

兩河口 縣南六十里

關洲口 縣西六十里

西湖 外西門

洪塘湖 縣南四十里

茶湖 縣西八里

大悲湖

鷺鷥湖

張湖

隴頭湖

潤頭湖

邱湖

龍池湖

大白湖

彭塢湖

二里澗

鐵佛澗

瑤澗

東茅澗

穿溝澗

藏天澗

縣南六十里

縣西六十里

外西門

縣南四十里

縣西八里

各鄉人盡向

湖

湖

湖

湖

湖

湖

湖

湖

縣南

縣南三里地

有藏佛故名

縣南

縣南十里

縣西水由廻龍入城達淮

敲脛澗 入波

鮑澗 縣南三十里

茅澗 縣西四十里

響水澗 縣南六十里

馬子澗 縣南七十里

羅澗 縣西九十里

洪澗 縣南一百六十里

九女池 紂王城西俗傳九仙女浴此又稱九圍池

龍池 縣西四十里俗傳張龍公化龍處

九丈潭 縣南二百里通固始河

大業陂 縣東北十里週二十里孫叔敖所作也今呼水門塘又相傳以為古鎮淮州隔而為陂

湖陂塘 即無溪塘

高塘

叢林塘 即大官塘

小官塘

龍陂塘 二里

孤陂塘 十里

斜陂塘

上倉陂塘

下詹陂塘

關防塘

馬陂塘

周圍十里

板門連二塘

縣南八十里塘周圍十里

阿陂塘

楊住塘

蘆陂塘

朱回塘

洪陂塘

大陂塘

柳陂塘

豐陂塘

芒陂塘

姑陂塘

大北塘

千功堰

何家堰

龐家堰

夏家堰

李家堰

馬子澗堰

高橋堰

亳州

渦水 上源自河南通許縣經柘城鹿邑入亳州境至北門外會馬向河東流出蒙城縣境

許氏說文曰過水受扶溝蕩渠東入淮水經陰溝水東南至沛為過水過音戈今皆作渦省

文前明黃河之水時入於渦另有考

淝水 西淝河也本作肥明史地理志西肥水即

則以合肥之東肥河為夏肥水謂夏水暴長施

合於肥也今西淝水原於鹿邑之練溝清水二

河合流至孟家橋入亳州境始名為淝東南逕

太和阜陽出潁上縣境乾隆十二年請

帑疏濬

馬向河 源於河南商邱縣呼馬腸河汴水分流

也其支入永城為澮自州北入境至北

門外入

葵河 州東南諸水之分流也出蒙城境水經注

之欠水 卽此

清河 由商邱縣北來至州西

三里河 州南三里東入渦

包河 州西北二十里

宋塘河 州南二十五里南入淝河乾

十字河 州南三十里

泥河 由城父東

漳河 州南三十里水經注東北入於渦

三文口河 州東南四十五里東入渦河

百尺河 州東南五十里東流入渦河

明河 州南六十里東入渦河

油河 州南六十里東入渦河

雉河 州東一百二十里城界東入渦河

清水河 州西

白零湖 城父東北

耿塘湖 城父東南

七湖 州東南七十里

駱家湖 翟村寺北

乾谿 州東南七十里城父南左傳楚子次於乾谿即此

沙疆溜 州西

張信溜 州東

懷家溜 州西三十里苦縣地河南鹿邑縣交界

安家溜 州西三十里河南鹿邑縣交界

龍潭 州西

花馬潭 州西北三十里為包河匯處方廣十頃

挑溝 州東北

九里溝 州南東入渦河

東九里溝 州東南東

西九里溝 州西南

麥稽溝 州南十二里

黃練溝 州南二十五里

魚槽溝 縣界

龍鳳溝 城父東

莎溝 城父東

拄杖溝 經太清宮前俗傳老

雙溝 州南五里十字

瓦壯溝 州南五里十字

脫鞵溝 州東七十里

高陂 州東四十三里魚

太和縣

沙水 卽潁之分支也自河南淮寧縣之周家口

稅子 步東至界碑集達西南出郡城東

北至 潁上縣八里塚入淮又稱小黃河

帑疏濬

泗水 阜陽境乾隆十二年請

茨河 縣北會清泥淺諸地之水為河東經張冊

阜陽 縣茨河舖西入沙河一支自臥龍岡分入

谷河 至七里澗復歸茨河一支入宋塘河南至

潁州府志

卷之一 輿地志

山水

分東南出為細水東南積而為陂謂之次塘因
次而為茨耳說文洎水出汝南新蔡縣入潁
音細則細木作洎也水淤淺乾隆十二年請
帝疏濬上起磚橋下至胭脂塘止
宋塘河 上通亳州泥河南流至雙泉溝入谷河
西行經七里澗入茨河乾隆十二年請
帝開濬

谷河 上通鹿邑下入茨河水經注百尺溝水東
南流谷水注之王隱曰犂北有谷水是也

聶家河 縣西北十二里源自下聶家湖
西臨界溝東近舊縣入沙河

倒流河 縣北十八里舖至雙浮屠乾隆
十六年代理縣事徐永謨疏濬

柳河 縣南三十里源出白洋湖會絲溝以南
諸水東流十里餘里折而南行入沙河

八丈河 縣北四十里會聶家
湖東流港通谷河

黑河 縣北八十里上通陳
州蔡河下入谷河

銘河 縣北九十里通亳州泥河西通
陳州蔡河東至斤溝入茨河

周家注湖 縣北二里山七
里澗入茨河

寶仲湖 縣南三里
入沙河

明水湖 縣東南四里南通五道溝入茨河水經
注沙水東積而為陂謂之陽都明水湖

之明水 又東北流注於陂
水東南流謂之細水即此也

史家湖 縣東北四里
入茨河

七里澗湖 縣東八里
入茨河

時家湖 縣西
入茨河

東西白洋湖 縣西十里
入茨河

茅岡湖 縣北十里南通周家窪
北通雙泉寺入茨河

山北

鳴兒湖 縣西二十里

魚營湖 縣西南二十里

陶種湖 縣西南四十里

上中下聶家湖 湖縣西北四十五里由流雁

縣亦由流雁溝南北入沙河即蔡家廟湖也下

竹園湖 縣東五里

臥龍湖 縣北入十里

母猪港 縣東三十五里自

百丈溝 縣西

五道溝 縣西南五里

流雁溝 縣西北二十里北通入

十里溝 縣西南通沙河

獨龍溝 縣西北二十里

埜林溝 縣東二十里

古百尺溝 縣北入宋唐河

雙泉溝 縣北三十里

長世溝 縣北三十里

港溝 縣北四十里

大澗溝 縣東通谷河

界溝 縣西北六十里通沙河

總溝 縣北六十里

斤溝 縣北六十里通茨河如斤字故名

吳漕溝 縣東北八十里北通明水湖入漕河南通宋塘河

蒲溝 縣北八十里通茨河

皂溝 縣北八十里通茨河

橫溝 乾隆十六年代理縣事徐永謨新開達茨河

洪恩溝 長二十里入谷河

齊家溝 東入沙河

古箭溝 東入茨河

張祥溝 東入茨河

淝河溝 東入淝河

南港溝 東入谷河

北柳溝 東入谷河

南八丈溝 東入谷河

箭溝 東入谷河

小毒溝 大青溝 入茨河

蓮花溝 東南入茨河

大通溝 東南入茨河

白洋溝 東南入茨河

古前溝 茨東南入

古後溝 茨東南入

齊王溝 茨東南入

柘溝 茨東南入

北港溝 谷東南入

張七溝 茨南入

柳溝 沙南入

萬福溝 沙南入

紅溝 茨西南入

吳家溝 沙西南入

斜溝 沙西南入

蒼溝 沙西南入

南北獨龍溝 沙西南入

穆家溝 茨西南入

舊溝 茨西南入

李明溝 茨西入

時家溝 茨西入

魚鱗溝 茨西入

永濟溝 茨北入

琉璃溝 茨東北入

文昌溝 入文入

脂溝 入宋河

宋溝 入泥

南北蘆草溝 北入宋塘河 南入茨河

南北皂溝 北入宋塘河 南入茨河

郭城陂 縣東十里 通谷河

板橋陂 縣東北入十里 南入泥河

百尺堰 亦曰百尺場 又曰百尺溝 卽汝陰之百尺鎮 宋分其地爲萬壽縣 今堰廢溝尙存

稅子步閘

坯灘溜閘

朱家口閘

貊家口閘

白洋湖閘

貊家洲 縣西三里 在沙河中

黃家洲 縣東三十里 在茨河中

蒙城縣

渦水 自亳州東流入縣西境 逕狼山 過禮城 至縣城北 二里 又東出懷遠縣 過口 至荆山

口入

泥河 北泥河也 源出宿州龍山湖 自縣西北入境 水經注北泥水東南流 經山桑邑 南又

東南流出鳳臺縣境至荆山口之西入淮乾隆十二年請

蔡疏濬

茨河 縣南五十里源於亳州入縣西境出懷遠縣入淮乾隆十二年請

蔡疏濬

潘家湖 縣東北九里

蓮花湖 縣東北十里

三家湖 縣東北十二里

李鉄家湖 縣南十五里即洪湖

白家湖 縣西二十里

軒家湖 縣東南二十五里

馬家湖 縣東北二十五里

關子湖 縣西南四十里

黃家湖 縣西南四十里

鯽魚湖 縣東南四十五里

大冲湖 縣西五里

赤魚湖 縣北五里

蔡湖 縣西五里

參兒澗 縣東十里合淤

冷水澗 縣東五里

三穿澗 縣西三十里

小澗 縣西北二

雙澗 縣東三里

黃連澗 縣西三里

沈澗 縣西四十里 大通元年曹仲宗伐渦魏遣王元昭等援之前軍至沈澗又宋岳飛

敗兀木於駝澗即此其營壘基尚存

廟澗 縣北七里

鳳凰溝 縣南關外

濁溝 縣西門外

馬厰溝 縣東三里

俞家溝 縣東二里

五里溝 縣西北五里

七里溝 縣西北七里

九里溝 縣西北九里

沙溝 縣西十五里

拖鋤溝 縣西二里

紀家溝 縣東南二里

謝家溝 縣西三里

於家溝 縣西二里

蔣溝 縣西北三里

衣溝 縣南五里

橫溝 縣西五里

范家溝 縣西五里

呂家溝 縣西北五十里

界溝 縣東六十里 懷遠縣界

戚家溝 縣西六十里

柳溝 縣西北六十里

湖溝 縣東南七十里 阜陽縣接 壤泉流淵澗 冬夏不涸

許家溝 縣西北七十里

葛家溝 縣西北八十里

雉河溝 縣西北九十里

五瀆溝 縣西北九十里

界溝 縣南九十里 壽州界

乾隆十二年欽奉

恩旨發帑疏濬泚河茨河宋塘河北泚河茨河

估用銀兩

泚河 估用銀二萬七千七百一十九兩八錢零

茨河 估用銀三千五百六十二兩六錢零

宋塘河 估用銀二千八百九十五兩八錢零

北泚河及茨河 估用銀二萬兩零

承辦各員

泚河分七十九段 第一段至二十二段 亳州知州楊遵時承辦

第二十三段至二十八段 亳州知州卓越承辦

二十九段至三十四段 水利州同王國霖

承辦

三十五段至三十八段水利効力舉人蔣之萇

承辦二十九段至四十三段水利効力州判嚴瓚承

辦十四段至四十七段水利効力雜職辜夢乾

承辦八段至五十五段水利効力雜職龔廷樞

承辦五十六段至六十五段水利効力州判張藻承辦

辦六十一段至六十五段水利効力州判張藻承辦

六十六段至七十一段水利効力縣侯茲承辦

七十二段至七十四段水利効力縣侯茲承辦

七十五段至七十九段水利効力縣丞陳安承辦

宋塘河自岔河頭至板橋太縣縣典史徐本孝承辦

次河自清泥淺至胭脂塘太縣縣典史楊日煥承辦

北洲河蒙城縣知縣葉履亘

艾河蒙城縣知縣葉履亘

辦

效力李文龍云

所以通水於川

也遂從溝橫澗從澮橫遂入溝溝入澗澗入澮

澮注川溝必因水勢防必因地勢周之公天下

之法固如此賴之田土皆平原曠野率洿下不

能皆近河灣必隨地有溝以達於河有雨則由

溝洩水可免滄沒按此亦切論也

賴州張志甯中立曰余觀賴志

所載陂塘溝湖

堰池甚多賴蓋水鄉也漢唐不可考有宋諸賢

賴州張志甯中立曰余觀賴志

所載陂塘溝湖

堰池甚多賴蓋水鄉也漢唐不可考有宋諸賢

賴州張志甯中立曰余觀賴志

所載陂塘溝湖

堰池甚多賴蓋水鄉也漢唐不可考有宋諸賢

治潁者率留心於此潁人報之廟祀至今不廢
其後漸爾湮淤一遇霖雨潁地悉爲魚鼈之鄉
何怪公私胥困耶嘉靖乙卯蜀韋紳周公泣潁
目擊其弊乃大加疏濬梗令者罪不赦民始而
駭中而怨終而享其利者莫不歡欣鼓舞此亦
民可與樂成難與慮始之一驗也曩若繼此者
節年疏濬用力少而成功不毀矣迄於今湮淤
將盡是誰之咎萬曆三十四年扶風孫公泣潁
動恤民隱無日不講求利民之事灼知疏濬之
不容已乃謀之治農薛公極力圖之白復

外又補其未備工小者令居民各照地頭挑之
工大者出官穀以佐之自是民患可除豐登可
望國賦可完永世之利也書此以告將來云

潁郡水道不一其大者有淮沙渦潁雉淝茨茨
宋塘諸河而總以淮爲歸淮河上納豫省開封
歸汝陳光等州郡及壽春六安英霍各山澗之
水下復有鳳臺硤石口及懷遠荆塗兩山以束
之每逢五六月七八月霪雨驟漲則浩瀚澎湃去
路紆迴則怒激倒灌譬人飲食尾閘不通患生
膨脹其勢然也余於乾隆十年八月奉

命守頽值六屬災詢之士民僉云水患無可如何遂
親詣淮河踏勘見河岸比內地較高河水已退
而田畝仍巨浸心竊異之復遍歷各州縣相度
乃知霍邱一邑隸淮南其南鄉大半皆營水田
植秔稻渠塘堰壩蓄洩以時阜頽亳蒙太五屬
隸淮北俱係旱地樹藝菽麥等一望平行阡陌
雖具溝洫早淤無怪泛濫之水入而不能復出
也夫頽之水患有二其大者在淮河之不能容
其小者在溝洫之不能洩然溝洫之患較淮河
尤切蓋以淮河患在初長不能禁之不來至時

甚暫而溝洫患在既退不能決之使去爲時甚
久也今以溝洫之水不能達河而但云河水爲
患河豈任受哉正議開濬會前 撫憲江右魏
公檄查水利遂毅然行之又慮小民可與樂成
難與圖始非試行而收其效無以堅衆志十一
年春先濬郡城南之中清河仿下江業食佃力
之法逾月工成是年清河兩岸果大熟頽人始
知溝洫之益十二年開大小潤河延河箭溝河
而阜亳蒙太之淝河茨河宋塘河工大費
廣民力難支爲請於 制憲尹公

麥發帑銀五萬三千二百餘兩大爲疏濬至今民享其利而溝洫一事惟蒙邑葉令所開大小數百條脉絡貫通水至可容水可洩計有成效各屬皆取法焉夫大雨霧沱溝澮皆盈原非人力可施而一時暴漲旋即消退者既可由河以溢於田亦可由田以瀉於河藉溝洫爲傳宣裨益良多昔蘇東坡守潁時以潁人苦饑奏留黃河夫萬人修境內溝洫職是故耳再淮河身僅數里兩岸各有灣地三十餘里隸霍之北鄉及阜潁南鄉塘壩溝洫皆無所用每歲五月至八月

水發盡付波臣然地經淤而肥土人築臺爲居而佃之水退後播種二麥所獲較高地不啻數倍而秋禾僅僥倖萬一余謂周禮有一易再易之法今秋禾雖時遭浸沒而春花倍獲是卽周禮一易之遺也又有蘸之一法乘水落餘三四寸時投以穀種不數日水盡土見苗亦芄然力不勞而功可就職方氏辨九州之土或宜稻或宜麥各隨地而爲之制故左氏傳云先王物土之宜而布其利其亦此意乎余於潁諸可蓄洩者靡不致力而於此則因勢利導不敢與水爭

公設險以守其國由來舊矣然吾謂有形之險
在地勢無形之險在人心賴地週圍二千里率
皆平原曠野較之名山大澤之藏關隘阨塞之
固似猶有所未備乃稽之往古考之近代楚子
次於賴尾符堅阻於淮西宋南渡報捷順昌明
始興戡定汝賴蓋自古用武之地而亦南北必
爭之區也誠能實倉廩充府庫以知方之義作
其好勇之思則衆志成城通江淮之門戶扼豫
荆之咽喉又奚必名山大澤關隘阨塞而後稱
險也哉

風俗

漢志云汝南之別皆急疾有氣勢

隋志云好尙稼穡重於禮文

宋志云汝陰之俗不事末作男勤耕桑女勤織
雜又云風俗清麗人備文武全才

元志云里巷敦扶持之義男女別飲食之筵

寰宇記云汝陰人率性真直賤商務農

風土記云尙氣安愚

宋黃謙好知賴州勅云民庶而事繁河通而地
勝

崔公度知潁州勅云土沃民夥有魚稻之饒
見聞錄云人兼文武民務農桑
歐陽修思潁後序云民淳訟簡而物產美土厚
水甘而風氣和
桂萼云剽輕寡積重義尙質
舊志云士勵詩書民安耕鑿女子雅慕節義殉
夫者接踵
立春先日有司設土牛以綵仗迎春至日祭芒
神作春盤春餅各處多以鞭擊土牛獨亳州不
以俗傳城形似牛也

元旦各設香燭拜神祇祖先卑男女各拜家長
於中堂尊卑聚飲椒栢酒

清明各掃墓加土墳土謂之添土插柳枝掛紙
錢於塚上

端午男女皆佩符簪艾飲雄黃菖蒲酒以綵索
繫小兒項及手足太和之俗以是日迎女歸寧
近水地亦有競渡之習

中元祭掃如清明

中秋各具菓餅祭月老幼團坐月下

重陽日蒸棗糕相饋飲菊花酒有登高者

十月朔祭掃如清明焚寒衣
長至具牲酒祀祖先

除夜易桃符放爆竹拜祖先畢男女以次拜尊
長夜分不寐謂之守歲

冠禮不行已久婚禮六禮之中問名納采猶合
古儀不論聘財隨女家之力以備資粧喪禮復

歛殯葬皆如家禮富者作灰隔貧者亦盡心營
葬不能舉者親友助之祭禮士夫之家有家廟

設主饋奠庶人則掃地以祭
其俗之最儉者莫如喪禮報廟婚禮

謝岳母之說報廟之俗前收已經
禁革謝岳母之俗現亦嚴行禁止

按潁州志謂積俗自前明隆萬間習於奢靡男

女飲食衣服宮室車馬皆艷響逐波後至不繼

一變而趨簡陋勢也觀此知潁俗之所由來者

漸矣夫國奢示儉國儉示禮儉非不可以訓方

型俗惟士君子不以禮法自守小民無所標準

其黠者習於訐告戇者流於鬪狠下至無等盜

竊成風迨究事所由起雖斗粟尺帛皆足釀為

禍階詩云民之失德乾餱以愆書云惟土物愛

厥心滅信乎教之不先於富也若夫霍之獷野

蒙之褊嗇潁太之樸鄙阜亳之尙氣安愚各有

所偏是又在司牧者之示以誠懇化以敦龐澤
以文教被以禮讓因地制宜以障其流弊而已
矣

其無言者皆於此可見其意亦不遠矣
其無言者皆於此可見其意亦不遠矣
其無言者皆於此可見其意亦不遠矣
其無言者皆於此可見其意亦不遠矣
其無言者皆於此可見其意亦不遠矣
其無言者皆於此可見其意亦不遠矣
其無言者皆於此可見其意亦不遠矣
其無言者皆於此可見其意亦不遠矣
其無言者皆於此可見其意亦不遠矣
其無言者皆於此可見其意亦不遠矣

論曰潁本中州清淑之氣蜿蜒磅礴千餘里土
壤沃饒風雨和會亦淮西一重鎮也昔歐陽永
叔守潁時聚星於署會老於堂前後興思卒家
於是者沿革雖有不同而疆域猶是也星野山
川猶是也形勝風俗猶是也何昔之潁爲樂郊
而今之潁爲曠土耶問嘗往來汴陽滇水之區
攬轡褰幃省風問俗見夫平原大陸患在土滿
而溝遂弗治憂澇常多民力已久絀無怪今之
不逮夫昔矣潁地不事末作商賈半屬遠人其
所以阜財足食者惟恃此根本之圖今使盡潁

永
少
州
志
卷
之
一
三

之輿地濬賦滄距川則疆域易矣將見地闢民
聚家給人足公侯于城形勝無嫌於弱也既富
方穀風俗無患於偷也民氣和樂休徵協應星
野山川自足以消災沴而發光華又安知後之
視今不猶今之視昔也哉

